

鐔

墟

堂

摘

稿

鍾壚堂摘稿卷之十一

明光祿大夫太子太傅工部尚書豐城古和雷禮著  
策題

兩浙公試

問天生茂才以資世用不徒擷英摘藻引聲華自  
多爾也古杭山川秀麗井邑浩穰故人性多敏慧  
所謂東南之寶難盡蓋自古侈之矣歷觀載籍有  
年十三作鷗鳥水碓二賦與二陸齊名者有年十  
七舉進士稱爲李白才者有六歲作黃雀賦於舍

後聽人誦書無遺忘者有十歲作雪賦以文知名  
著爲大隱集者有年十五遍觀文史及儀禮故事  
者有年十四鄉貢辟雍卒廷試第一者是其天資  
俊逸均爲古今所竒然槩其素履或清談諧俗或  
歷仕梁陳或刻時爲文以自矜或上書獻文以自  
售其視勵志孝行召爲大學博士不就與夫直言  
對策論及兩宮閹寺無所顧避者何其降才同而  
所就若是其相懸耶如曰才之所產未必盡爲世  
用則天之所以付此竒逸者爲虛矣豈化理之樞

因如是哉諸生幼有俊才能文章其於前脩得失  
嘗槩之於心矣願試陳之以觀平日所以自待何  
如也

問道之不明異端害之也而異端為害莫甚於佛  
老以其亂性也故必闢之而後可以入道然古之  
以闢佛老名者曰韓愈氏曰歐陽脩我韓以性有  
三品歐以性非所先是不知性之本矣而斥佛老  
若是其嚴程子言性與孟子尤為密謝顯道游定  
夫楊中立親及程子之門其聞性似非韓歐所及

後乃皆入於禪豈吾儒異端之辯固不繫於性者哉夫佛老入人因其高明其曰佛氏敬以直內則有之矣義以方外則未也雖陳子亦嘗言之不知原道本論所著果足以深折其非歟茲欲辯似是之非以求聖賢之道是所望於二三子者

問以言取人失之宰予而況舉業之文離真眩實尤不可程者乎聞慶元有王應麟者當廷試策士讀文山卷有古誼若龜鏡忠肝如鐵石之稱敢爲得主賀今文山之策固在也不知何所見而知之

如以文焉則今之事舉業者沽名譽得則一切委  
棄雖應麟亦嘗言之矣將精神意氣有得於言詞  
之外歟及蹟應麟立朝輪對剴切邊事與夫彗星  
春雪等䟽耳受忤相之罪至封駁不行浩然東歸  
非素抱忠肝者歟諸生以節義自礪豈無文山其  
人愧予無應麟之卓識而欲得忠肝之士於言詞  
之外必何如而後可

問聖道坦如大路學者病不得其門耳求入其門  
不由於經乎今取士以經義凡以求道也然而買

櫝還珠之弊人多頭之烏在其爲明經者耶自孔氏沒正經明道莫過於孟子而宋儒又各有所見謂其善用易者有之謂其能知詩者有之謂其知春秋者有之而長於詩書又不論也其所以能知而善用者豈無得於行事之實而云然乎自今觀之執不見諸侯之義所在分庭抗禮與夫禮樂之實之論蓋觀其深矣不謂其尤長也耶茲欲由經求道知孟子所以希聖人與諸儒所以知孟子而吾之所以未得者其要安在願據所蘊以對

問伊川有言賢者在下豈可自進以求於君苟自  
求之必無信用之理嘗考漢策賢良如公孫弘者  
猶強起之乃就對至後世科目則自求舉爾必如  
伊川之言則豪傑之才將何以自効耶及觀遺書  
所載謝浞自蜀之京將試教官則以試婢戒之門  
人居大學而欲歸應鄉舉者則曰是心已不可入  
於堯舜之道夫家貧親老應舉求仕不免有得失  
之累必何脩而可以免此若云以命處義在已固  
可爲親奈何諸生試以居素所實見者告之母徒



勲說爲也

問君子論天下之事與天下之人蓋亦難矣然亦  
顧其時勢與事體何如耳昔杜正獻公爲相蔡君  
謨孫之翰爲諫官屢乞出於是蔡除福州之翰安  
州正獻云諫官無故出終非美事乞且仍舊仁宗  
可之乃退書聖語時陳恭公爲執政謂已初不聞  
不肯書正獻懼遂焚之由此遂罷相議者多咎正  
獻之失不知正獻在當時所處必如何爲得體歟  
嘗跡正獻在西府時仁宗每訪以中書事及爲相

中書事亦不以訪至百日而罷可得聞其故歟夫  
尚論古人亦儒者格致之一端而況權量事宜不  
夫輕重非所得之深能如是乎請究言之用觀他  
日所以處天下事者

問富貴驕人固不善學問驕人害亦不細則血氣  
之不足恃甚矣然血氣纏繞未能脫灑畢竟無益  
而宋儒乃謂學問克己則轉血氣為理義矣其信  
然耶姑以二三言之召試中選非真空疎者矣因  
平章責之而益切感激蒼黃樞密非不讀論語矣

金士  
困處士勉之而益加潛玩甚或自幼登上第急忙  
就學更不露圭角十五獻科舉慨然求道更不爲  
詞說是皆德性天植若非問學所能成者不然在  
門牆幾年服良藥不退與六聞見日新服烏頭而  
患生者豈其未嘗學問者耶是病根必有所在使  
諸生子細檢點得來則知所以用良藥矣願相與  
省戒之

問聖人之道入乎耳存乎心蘊之爲德行行之爲  
事業彼以文辭而已者陋矣然自科目之制興以

文取士文人學士操觚染翰專務章句以媚人求  
其務悅性情不悖於道者鮮矣矧其飾章繪句如  
唐儒所謂大好則大慙小好則小慙宋儒所謂以  
一日之長易終身之富貴其弊豈能頓革者耶借  
曰豪傑之士不爲習所奪然欲建功立業垂之天  
地非此不能進若爲文不專意則不二若專意則  
志局於此又安能與天地同其大此伊川所以有  
玩物喪志之喻茲欲以文出仕不害於道其可無  
懲哉諸士子抱藝而來行有用世之責矣蓋各言

爾志

問近思錄一書在學者最爲切要然學亦多端矣  
而以近思名者是果何所取義哉自六經四子炳  
炳垂世人亦飲聞而心鉢之矣乃復取周程張之  
言萃爲是錄豈六經四子猶未切於日用必是錄  
而始備歟說者謂循是而進自卑及高自近及遠  
庶幾不失纂集之指然槩其全卷首之以求端而  
求端者何先次之以用力而用力者何由自是而  
處已而治人與夫辯異端觀聖賢必以何者爲要

歎此書爲初學階梯不知作聖之功又別有其道否耶願詳以告我

問伊川有言孟子才高學之無可依據學者當學顏子入聖人爲近有用力處夫一子言行見於論子盡若顏之求道於高堅前後見卓爾有立於前雖冉閔諸賢未足語此而學者豈可以易學乎孟子以集義養氣且教人擴充四端與夫博學詳說以及約先立乎其大者而小者勿能奪之訓與顏子若同一轍而曰學之無可依據何歟及觀伊川他

日論讀書謂學者先讀論子思窮得論子思自有要約處豈讀其書而不師其人乎且孟子不見諸侯壁立萬仞而或者以伊川方之顏子示不違如愚之學於後世有自然之和氣不言而化者也伊川則嚴毅氣象微覺有跡烏在其爲學顏也哉夫伊川大儒其言必有攸當試以平日究心者告我庶知所以學顏孟矣

問中庸一書乃孔門傳授心法子思恐其久而差也故筆之於書以授孟子今考論語曰中庸之爲

德也其至矣乎民鮮父矣子思隱括添一能字其  
意果何所指及觀中庸全書於內云能與不能不  
一而足既曰夫婦可與能矣而又曰中庸不可能  
也既曰聖人有所不能矣而又曰唯聖者能之何  
其錯午不一也抑能與不能果存乎其人者耶且  
能之則爲君子中庸不能則爲小人反中庸然則  
欲能此中庸將以何者爲極致歟諸生講誦之暇  
必體驗實踐不徒曰天下中庸已也願根極其蘊  
奧毋忽



問士君子涉世自處識見欲遠而定力尤難嘗觀  
陳忠肅公在通州張無垢入相欲引公自助特置  
政興局乃自局中奉旨取公所著尊堯集蓋將施  
行所論而由史局用公公辭以脩寫而未發何也  
及張既罷黜公亦有台州之命朝廷起遷人石幟  
知州事幟至大陳獄具取索尊堯副本既又幽公  
於僧舍窘辱百端人情憂怖慮有不測公安之不  
以爲撓寧無所恃而然歟或謂公事無大小必原  
始要終驗如符契凡白時宰錄副本于省中與夫

正復母后當先辯明誣罔而宗寧之事卒如公料  
乃不免何鄧輩之欺詐將拙於謀身者耶諸生景  
慕忠肅必退自省察校量以求進益幸論其世以  
觀尚友之志

問誠意者自脩之首自欺誠之反也然聖經既曰  
知至矣如何到誠意又說毋自欺或謂自欺是半  
知半不知底人豈所謂知者猶有所未至必毋自  
欺方爲知之至歟矧傳著小人閑居爲不善無所  
不至到得厭然掩著之時將所謂自知者不即此

而在耶宋末有臨海戴亨者教人以毋自欺爲第一義其論曰莫見乎隱莫顯乎微欲人不知莫若弗爲是又自隱微之中而是非善惡皆不逃乎此心之靈者言之其於先儒九分義理雜了一分私意之論果無相悖否耶先輩既以此爲第一義而教人諸生必習其肯綮試折衷其說以對

問人之蘊畜由學而大在多聞前古聖賢之言與行考跡以觀其用察言以求其心識而得之以蓄成其德嘗稽程氏遺書謝顯道記聞該博舉史書

成篇不遺一字明道乃以玩物喪志病之至明道  
讀史又却逐行看過不嗟一字謝甚不服豈明道  
所行與所言若相戾耶後尹彥明從學於伊川聞  
見日新顯道亦以服烏頭戒之其果有所得而爲  
是言歟且誦詩讀書亦學者所不可廢今以聞見  
該博爲戒則孔子所謂多聞多見者非歟顯道僞  
寓黃巖崇祀不衰諸士子仰止之餘豈無的然有  
得於心者其爲我言之

問中庸致曲一章明自明而誠之意曲能有誠以

至形著明動變化皆言其效驗昔顏子克己復禮而天下歸仁孟子擴充四端而四海可保先儒乃謂孟子明則動矣未變也顏子動則變矣未化也其所謂未變未化者豈無所指歟抑於致曲者未能致乎其極耶幸詳究顏孟之造詣以驗所學

問君子自脩莫重乎其始進即有求焉又患其意之不誠故寧安復其素而已吳興爲南國之奧以文章取功名者蟬聯史冊而恬退高尚者豈少也彼委棄諫議而隱跡陂門不赴翰林而遨遊茗壑

是其忠孝天植有非勢位所能奪者至篤好易書  
而州辟不就博通經史而屢徵不起其求之亦云  
誠矣何冷然不淄其心一至此耶今後數子而生  
者聞之莫不興慕然功名之心日戰於中不能安  
履其素豈求之者或非其道歟惟直言無忌使執  
事者知所以風焉可也

問程子有言凡人纔學便湏知著力處既學便湏  
知得力處夫宇宙內事皆吾分內事皆學者所當  
著力况聖賢言語千頭萬緒參錯不齊將據何者

而著力又孰從而知其得力處耶且程子於門人  
閉門養心者既謂思慮不可息矣而扶溝請問又  
教之靜坐每日三檢點既病其不用功矣至群居  
終日嗒然不語又有吾道南矣之稱然則其所以  
著力與得力處者果安在歟今之學者爲富貴所  
奪著力以求得之不特如程子所云三弊已也諸  
生誦其言能無惕然省改知所以著力矣乎知所  
以著力則必有得力處執事者願有聞也

問程正叔有云古之學者四十而仕未仕以前二

十餘年得盡力於學問無他營也故人之成才可用今之士十四五以上便學綴文覓官豈嘗有意爲己之學故人物凡下以此然旁稽史籍少年任事非一族矣有年二十餘召爲博士者有年二十四拜爲司徒者有年二十四將爲中郎者有年二十八起爲軍帥者有年二十九任爲司馬者有年三十稱爲內相者意數子材本夙成有不待於問學歟抑不知當時何所見而用之及用之而輒效歟由正叔之論則後生多躁進而英特之士如數



金  
卷之二  
二  
賢者似又不可以年拘此固諸子求端於下帷深切期待者也其發抒而盡言之蓋不特占子之用世而已

問易曰敬以直內義以方外敬義立而德不孤蓋德莫備於此矣自尚父聞黃帝丹書敬義之訓俾武王爲三日之齋端冕以迎東面以授豈武王於父兄之間未聞其說必待尚父啓之耶孔子旣得統於武周開示來學則敬義二者似不可缺一然顏曾以下尤須視聽言動容貌辭氣上做工夫不

幾於謹外忽內者歟至孟子論養浩然之氣以爲  
集義所生而繼之曰必有事焉而勿正心勿忘勿  
助長也是又以居敬爲集義之本烏在其爲文相  
養耶說者謂敬義只是一事靜則察其敬與不敬  
動則察其義與不義又云敬要回頭看義要向前  
看其於前聖之旨果足以互相發明否也夫學不  
本於身心則無以崇德廣業而况千聖傳授要旨  
可忽而不求耶幸相與講明之

問朱子有言學如伯恭方是能變化氣質伯恭少

編急其後忽懷渙然永釋有中原文獻之傳不知  
其覺而能改及平生所以用力者果何所本嘗跡  
其立朝輪對勉孝宗留意聖學與矣恢復大事治  
道體統諸疏將以開物成務至病中日記其繙閱  
論著固不以一日懈雖氣候草木亦必謹焉卓然  
有任重道遠之意不爲血氣所移而宋史不列之  
道學傳何也諸子生長先賢之邦必有以觀其深  
者惟公言之毋遜曰不敢

問爲學便要知道不爾則爲氣所勝不能見聖人

之與聞宋儒有陳同父者號爲永康之學嘗攷古  
人用兵成敗之跡著酌古論郡守周葵即以國士  
奇之因授以大學中庸曰讀此可精性命之說所  
以藥之者深矣今跡其詣闕上書陳國家立國之  
本末而開今日大有爲之畧論天下形勢之消長  
而決今日大有爲之機并言大體三事慷慨激烈  
誠有國士之風使其言獲用果能開趙宋數百年  
之基否歟史臣稱其志存經濟是矣或又譏其學  
失之豪將於學庸之旨未能實踐故不免爲氣所

勝也耶諸生目負奇氣不下同父茲欲約以學庸之旨何者爲要試以沉潛有得者著之于篇

問孔門自脩之道每戒損友凡以貞志進德也姑篾之墟君子多亢言而厲行易知而難狎有古之遺風自宋南渡有劉頴氏者舉進士調溧陽主簿與張南軒講明理學嘗言士以不辱身爲重似有得於自脩之道者至槩其素履舊與韓侂冑歡好豈於匪人之比固未之講耶或云侂冑用事頴謝絕之然則歡好於前而謝絕於後以求不辱其身

可乎夫論人而不覈其實猶辯貌而揮鑑也故與諸生求辯其實其嘗鑑之否也

問太極一圖周子手授二程千聖不傳之秘實在於此而二程與門人講論未嘗及此其行狀又云求之六經而後得烏在其爲得統於周子者耶或云二程之於周子如橫渠之於范文正然則程子所謂自再見茂叔後如吟風弄月以歸則所得不爲淺矣而云不全資於周子可乎諸生於周程授受必有定說願悉其旨

問論孟二書乃孔孟傳受心法讀論孟而不得之於心則入耳出口即楊雄所謂說鈴也昔人云理會得論語便是孔子理會得七篇便是孟子將孔孟之所以爲孔孟者固可自書中得之耶備曰自聖賢用心處理會則孔孟之心一也而程子乃謂孔子句句是自然孟子句句是事實至朱子又謂論語當冷看孟子當熟讀豈以聖賢之別而可異用其功歟夫理會孔子孟書孔孟往矣口不能言諸生須以此心比孔孟之心將孔孟心作自己心乎

無點頭時耶幸相與發明之

問學莫先於辯志其來尚矣王荆公亦非常人粗  
行與司馬溫公畧同其質朴儉素終身好學不以  
官職爲意俱爲天下學士大夫所宗仰然究其所  
趨則大有不同荆公之門多小人溫公之門多君  
子溫公一傳而得劉器之再傳而得陳瑩中荆公  
一傳而得呂太尉再傳而得蔡新州三傳而得章  
丞相四傳而得蔡大師五傳而得王大傳何其粗  
行相近而所趨相遠一至此耶當時在朝諸人攻



荆公不下數十疏而入主堅不之信豈所言未中其弊耶夫學術邪正決於幾微而世鑒係焉所當遠覽而精察者也其母諉曰不暇

問科舉之事不患妨功惟患奪志而利害得失之際足以占人所養東甌在南渡時有蔡幼學者試禮部第一文名籍甚孝宗聞之廷試欲實首列是時外戚用事宰相皆陰附之幼學對策剴直無所徇撓卒忤時相抑寘下第今其策具在於內有虛譽惑聽緘默容身并姨子預兵柄數語其意果何

所指歟說者謂幼學雖不阿時事苟少貶其說可  
立取高第而終不以彼易此何也夫廷策所以贊  
之於君也抑不知幼學所以立朝治民果能力行  
廷對之言而無愧耶此義利之辯間不容髮又况  
科舉得失諸生必備嘗之使身當幼學之時將如  
何以對惟自道其實毋隱

問宋儒理學以程朱爲宗永嘉爲浙東極處自宋  
以前人文鬱悶至伊洛諸儒倡明斯道其間有師  
事伊川爲本州教授發明中庸之旨於是邑人始

知有伊洛之學以後遞相傳受或得程子正脉或  
錄伊川語一卷或篤信孝弟之道或講求成己之  
學或僞學禁行對策率本師說或集號本鍾著述  
多主近思於是程朱之學遍東甌矣然其造詣淺  
深有只為未有根不見他進者有立不住便放了  
者其見於師友之品論又何其有遺憾耶及考朱  
子同時有陳傅良者師事薛季宣季宣獲事袁溉  
溉嘗從伊川學會傳良為中書舍人詔朱子與在  
外宮觀極言喜難進易退不敢書行是知推尊朱

子者宋史乃標爲永嘉之學豈於程朱入德之門  
不可比而同之歟諸生尚友前賢久矣於異同純  
駁之辯不可不慎故願有所聞以審其趨

問士脩於家而揚於天子之庭凡以不負所學也  
括蒼固多英詰其卓然以文學政事聲南宋者莫  
過於王誠之跡其立朝輪對言敵情不可測和議  
不可恃當爲自備之策以待可乘之機又論士大  
夫趨向之弊并豫備三說屯田利害至於七曜合  
軫條七事應詔求言條十事皆剴切時弊可得聞

其詳歟史臣謂誡之訓子以忠孝公廉則其不壞  
于天子之庭者其獨無所本歟夫尚友古人積於  
一鄉其詳陳之母徒嚶嚶然曰古之人云

問周子曰志伊尹之所志學顏子之所學今跡其  
事而攷之伊尹嘗五就湯五就桀矣以桀之暴民  
欲與之偕亡尹乃往爲之臣既不能改於其德又  
從而輔其諸侯以放之臣之道當如是乎奈之何  
使學者忘之也孔子教顏淵以四勿爲仁雖仲弓  
且不得聞而欲緊語之新學小生可乎且學莫先

於立志今志伊學顏則學與志者是其不相謀歟  
盡辯其所以不然者以對

問人才囿於地氣自古爲然括州自畫邑以來策  
勲名垂竹帛者史不間見而志決山樓者比比相  
望有教授子弟不復仕進而時號處士者有以行  
義見推其於隱遁門人私謚爲冲和先生者有不  
受爵命以所得白雲明月對君者有隱居不仕以  
發明通鑑綱目行世者豈嵐靄滴衣烟霞滿目若  
有以錮其習耶每誦高閣凌雲之句庶幾有隱君

子焉而今未之見也將風流之會古今不相及歟  
若謂盡羅之於科目則今之婉德前脩何其寥如  
也試質之諸子其必有定說矣

問文章與時高下匪細故也近見士子爲文習中  
原不昭晰筆下強爲點綴捕風捉影全不靠實甚  
或翻爲奇怪不可致詰之說被宋儒所謂竊虛名  
而事捷徑其害不有同於今日者耶嘗觀古之論  
文者或云爲文有三多或云爲文當從三易似矣  
而涇陽判官乃謂使進士之流讀書精而學問正

原缺



鐔墟堂摘稿卷之十二

明光祿大夫太子太傅工部尚書豐城古和雷禮著  
傳一

少保胡端敏傳

少保胡公諱世寧字永清別號靜菴杭仁和人也  
家落莫棄貲產不營慨然思經濟天下弱冠補昌  
化學生受知吳提學伯通有靈芝孤鳳之褒弘治  
五年舉鄉試第二故事計偕者給路費百金公以  
浙青竟辭其半明年第進士歸例得枋其門恥關

謁鎮守中貴人棄之去初除德安推官時岐府關國百需蝟集群從怙勢橫甚悉以灑裁之且諷王曰此

朝廷法節殿下家法某何敢不守此

朝廷民卽殿下千百年立

國根本某何敢不恤王由是戢下無敢作奸者及請民間開墾湖田充柴炭撫巡業與之公指畫利害媿媿乃止在郡屢平抑獄民以不冤其除苛賦清里甲諸條畫具可為經久之陞南京刑部主事歷

員外郎郎中帝城多威靈能訖是非成敗人公憫  
憫然不轍撓西寧侯家訟久滯更九司十三道不  
決公一鞫卽得其情案遂判顧金箔者富翁也被  
羅織致大辟賴公雪白每過門必稽顙而去機戶  
顧謨乾沒官銀累萬祈解罪於公不能干逆瑾懇  
下南道阿奉者疏出之劾公為枉牘後

上直公擬抵出者罪其情文比制率類此兩應

詔求言疏邊務十事并條勤學問慎輔導廣延納重守  
令公用人汰冗費俱探核本原鑿如也然其強果

亢厲人固以是賢之而亦多詆忌積三考出知廣  
西太平郡陋甚所隸率土官習不庭叅至則推心  
郡夷絕覬覦或他出過其營單騎入坐帳中縱閱  
騎射乃還子弟應保護者輒為任之夷僚帖然孚  
格於是思明黃文昌羅陽黃景明茗盈李萬榮全  
茗許榮高輩皆素桀驁不困甲冑一呼卽匍匐塔  
下惟太平知州李璿負固跳踉不已乃密檄龍英  
州趙元瑤扼而執之積禍頓息又建置壺關限隔  
北寇屹然為一方巨防至今賴之未幾以母喪解

官民惻惻然不忍失正德七年服闋補寶慶初往武岡朝岷王閻岷府受詞繫人取其財下諭里老奉有令旨必并其人送府驗實故行偽者弗貸以故府人相戒毋犯後王索民校急公曰先王初封校尉遍食沙衡永寶四府今收回寶慶一府他日子孫分封繁衍其可支乎王曰御史矣得旨矣公曰御史奏錯知府當奏改耳王噤其直無恨意巨鎗偕鎮守王潤以事至郡搖吻于民難餐公折以法潤歛手其從人以左道寓郡輒執之恣射平民

者又執之潤衛公最深而猶稱公好官云其郡屬糧則繁漫奸不可詰乃類田均糧一色徵之民省歲供之半闔境盡驩曰胡父活我矣踰年陞江西按察司副使兵備東鄉巖谷采阻群盜鼠穴其間日肆抄掠為饒信惠公遇盤錯益喜截決怙亂如樂庚二陳邦四等悉設計擒馘之其革心如王賚一者至為奏原其死既而遷縣峻城經武療饑民受然安矣公嘗調征桃源擣賊巢調征毛坊援吳廷舉調征建昌衛益府皆冒矢石為士卒先又城

廣昌城南豐城新城迄今不被寇其功竟為督府  
所衝不叙會宸濠有反狀人莫敢言獨胤憂上疏  
曰江西之禍不止盜賊可慮者寧王自得衛兵威  
謀日橫騷擾閭閻鈐束官吏禮樂政令漸不出自  
朝廷臣請

勅王自治其國勿撓有司以防未然君子曰用胡公曲  
突之謀無患矣而當事者泄泄漫下其章濠恚恨  
甚賄用事者計欲殺公構飛言誣為離間親親逮  
捕之公已遷福建按察使省歸濠嗾其黨巡浙御

史潘鵬發卒襲公公間行自投禁獄被拷掠無狀  
復行江西會勘款別附他罪於是給舍御史交訟  
其寃不已用事者道人言得減死論謫戍遼東十  
四年六月濠舉兵及都御史王守仁倡義兵俘濠  
廷議是役也惟王公達權賊亂亦惟胡公先幾伐  
謀故驚形潛匿以致於殲滅若斯之亟也特起戍  
中為湖廣按察使尋晉右僉都御史巡撫四川

今上更化以忠直受知益展盡底蘊無隱首勸

上取大學衍義一書朝夕省覽以光聖德及言內擒江



彬外擒宸濠均當論功昔附宸濠今附江彬均當  
論罪武臣如指揮牟斌執法受罪內臣如周儀守  
正殺身宜一體褒錄以示公平無不謹切當

上心者松潘內外熟番舊為蜀藩衛後漸皆叛止  
存東南二路通救援緣守臣弛備南路亦塞乃疏  
安撫方畧在用人材添兵將更賞罰足財用事下  
兵部議行之芒部隴氏者自其祖父請分設長官  
司近者兵備官議不可許又疏隴氏裂地設官雖  
稱循彼實為鈞連等縣扼賊喉嚨從之便樞曹不

用令隴書襲職竟為隴政所殺人始服其識嘉靖  
元年晉吏部右侍郎未任奔父喪三年

### 詔議

曆皇尊號廷臣諍論多被朴除名獨江淮荐饑公免喪  
家居具孝親保民一疏乞定追崇大禮肆赦群臣  
小過使各陳救荒弭亂之策以成今日急務又言  
新進議禮一言適合未必事事之皆是老成執禮  
一言過當未必事事之皆非

聖明惟天地日月三無私心照臨於上可也凡數千言

三不果上既言者欲遷

顯陵于燕山極論遷葬利害乞嚴絕愼壬君臣協恭惟  
任賢保民為務并前疏並進

上嘉納之四年起兵部左侍郎公前謫遼東熟知京東  
一帶利病進備邊二十五事復憂時事獻三經講  
義引大學秦誓好惡之章以戒媚嫉尚書惟辟作  
福之章以重威柄易大傳不出戶庭之章以慎幾  
微辭多中群忌皆留中大禮成與加俸辭以在廷  
議禮臣時在家欲極言治道於後故僭言大禮於

前况屬論定之餘不敢月領又進知人官入三十  
事會言者劾公啓告密之漸遂力求退改南京吏  
部左侍郎六年晉南京工部尚書甫三月以左都  
御史徵道改刑部尚書尋用詹事霍輅言加太子  
少保仍左都御史掌院事公入持大體申明職掌  
上疏勸

上務執中之學遇事當喜怒者則又臨時省察其中節  
與否而後發至論聽言用人詞嚴義正聞者壯之  
執政請禁私謁公言臣官以察為名人非接其貌

聽其言無以察其心之邪正才之短長若屏絕士夫徒按考語則毀譽失真而求激揚之當難矣

上是其言不禁坐臺閱月執政計改公刑部尚書公實安之於中外諸司結要必究情比法於理不可執議懇惻弗但已大監劄聰與運舟爭道有輿援誣官兵攘其織造賢陷幾二千人抗疏不宜廣追驚遠近得從寬決至秋聰事敗伏罪而公言益信陳九疇者故以兵備巡撫有事甘肅兩敗土魯番兵于時總制西事尚書彭澤秉政則大學士楊廷和

也土魯番據哈密城劫忠順王印以要市中國縱  
反間傾九疇當事者有憾於楊彭二公欲乘九疇  
事連坐之訕儉人王邦奇聶能遷陳哈密淪陷番  
達入寇釁起九疇於是下九疇獄擬大辟公昌言  
于朝曰使世寧司刑而殺一忠臣寧先殺世寧執  
政持不可乃密疏為彭陳申理

上矍然大悟曰豈我巡撫都御史殺來償回子命耶九  
疇得不死戍邊楊彭亦免于逮七年春有司奏黃  
河清甘露降方告謝齊宿忽風霾異常公求黜應

變不聽則上勤學恤民任官亦事俱報可八年補  
兵部尚書加太子太保公辭言甘肅之危可慮川  
蜀之危可慮中原兵將錢穀無備可慮臣才性不  
堪再辭不允則陳列兵政曰定武略崇憲職重將  
權增武備更賞罰御土夷足邊儲絕弊源正謬誤  
惜人才凡十條

詔許蒞部次第舉之始拜命大臣建議銷兵如潞城之  
賊留不欲討討者必治其罪公援古權今力辨其  
非議遂寢職方左郎中數通邊將寵賂無厭且以

重人蔑視三司馬公疏劾去而夙弊大奸整刷十五既芒部沙保一支逐官劫印攻圍畢節議者欲革流官復隴氏之後公言壽政讐殺二十年今隴勝或非壽子而驟復其土官是階禍也莫若降

勅諭川貴各土官賜之定命其芒部原設四長官司能守土安民卽不復立府如願立府土流惟彼所欲有一人作亂者三人共滅分其地疏上忤執政意中沮之會土魯番大將牙木蘭率衆來降而土魯番誘尾刺入寇索其羈使且求開貢公言番夷變



詐非由起釁今圖復哈密無益而歲受土魯番之  
挾我為奸利則宜有覺而速攻之且陳轉危為安  
之策甚悉喜功者有所軒輊不盡用其策公又疏  
請增武備足邊儲薦馬昊陳九疇施儒楊必進堪  
統軍旅

上為起昊將用之他亦付所司議行矣桂家宰萼詆公  
侵官格不用公引疾求去且以任人置治之要為  
上極言之然多違衆求去益力疏三上乃許致仕優賜  
與人月廩未幾再起南京兵部尚書叅贊機務遂

稱疾篤猶力贊

上晉廣嗣育容受直言愛惜人才云九年以疾卒壽六  
十三贈少保謚端敏公宏才遠慮深識天下之務  
遇事斤斤執典不以禍患怵沮雖獨立寡諧周旋  
卿佐不滿三朞而神采英銳必欲贊匡至理不肯  
苟且以容官寵至於清約自守常如寒士而恤宗  
人之孤獨與人之舊德當酬及鄉先進之裔有流  
落者雖傾貲賙之不吝豈沒而可祭於社者非耶  
平生所著有大學衍義補膚見二卷春秋誌疑八

卷讀易私記四卷奏議存稿若干卷滄州退兵事  
略一卷德安太平寶慶雜稿共三卷桃源建昌征  
案東鄉撫案共一十卷詩文二卷自叙年譜若干  
卷

論曰士以直道事人顧不難哉以胡公之忠鯁稽  
古展蘊期而厲焉將若何而極也然自其為推官  
挺挺特立而擠之散即既以是蹶及為郎強果以  
徇其職而再擠之惡郡則又蹶至逆濠魚然于時  
在位者悚息避禍矣而公獨首犯之豈其情於保

哲者哉既天悔離起躋路九死之餘而危言蹇蹇  
迄不少挫嚮非

聖明灼知倚任於上而能顯其骸施若此其卓卓難矣  
傳曰國有道不變塞焉強哉矯公真其人哉彼揚  
已取名瞭然使尸曉者蓋胡公之細耶

少保唐文襄傳

唐文襄公諱龍字虞佐號漁石浙蘭溪人鄉前進  
士鄭聽卷交公祖思洲公並以經行聞思洲生贈  
尚書皇煥公聽菴妻以子是生公公在娠鄭夫人

夢獅踞門向日及公生日光射蓐人異而傳之幼  
機神警朗有遠志讀書過目融領稍長遊宗伯章  
文懿公門得其淵源弘治辛酉領鄉薦正德戊辰  
舉進士知郟城郟敝甚民戶多流亡公躬勤約多  
方鳩集時境內久旱徒跣禱輒雨次夏又旱再  
禱再雨流民慕而復業戶口日增舊弊收糧類多  
賦以羨餘餽令及簿計至京邊輸不給卽稱貸歸  
復從各戶追償之民益困公禁豪猾毋橫征諭簿  
計官檢羨餘封之齎佐轉諭以是終公任不聞重

徵逋稅者政轂徹東土凡沂岱間有滯訟皆赴監  
司頭求決大盜起燕趙蹂齊地郟當賊衝公崇城  
浚濠治戰具集壯丁拒守賊攻城不利奔馬頭集  
公勒兵追襲之斬首二百餘級越數日賊益衆來  
報馬頭之役公乘其未定奮擊之復斬首百餘級  
賊怒糾各部直薄郟公發碗口長柄諸炮斃其驍  
銳六十餘人賊大創而去連帥上其功陞俸二級  
初公蒞郟庾貯麥數斛庫餘銀三兩深以為憂於  
是卽罪贖積粟麥許貧戶得貸而薄其息積粟麥

三萬八千石銀亦至三千餘兩卒之破賊完城以  
其積蓄素具云丁篁嶼公憂鄰民攀號數百里外  
建祠歲祀之服除擢監察御史出按雲南時奸孽  
江彬等導

武廟數出狩公疏乞戒巡遊太畧云念此天下祖宗  
得之艱難而今日守之當不易凡騎射畋獵無益  
有害一切禁之因斥彬等不臣罪請寘法示戒土  
弁鳳朝鳴以罪廢略襲倖錢寧規復用公首駁之  
寧集滇人在京者舉保矯內批俾襲都將部檄下

公復疏罪狀遂褫其職指揮盧和寧假父也坐殺  
人律寧囑讞獄者出之且以書致公裂其書竟正  
和罪九再忤寧弗計也撫臣以滇卒多冒補將竅  
汰之其帥臣因稽其月給激衆且為變公語撫臣  
曰滇夷方也以夷治之乃安今因其註尺籍撫而  
肄之猶逾募配矣奈何欲擾之隨諭使給糧衆心  
乃安其他注措滇人多利賴之江西自巳卯宸濠  
之亂百度蕩弛公以選往按時都御史王公守仁  
已平濠萑璫率都督許泰劉達循提禁兵又駐省



城挫吻於民恣淫黷公收縛其邏卒禁不得逞疏  
請班師如解倒懸先從逆者猶視事如故公以大  
義指責之卽日收其印綬列其不忠之罪于

朝知縣劉源清馬津首挫賊鋒而功隱未錄御史徐  
文華范輅副使胡世寧首發逆而罹重譴皆疏白  
之其功獲酬鎮豎崔和前在金騰牟利為公所劾  
治至是再鎮江西復稔惡公禁之如初和恨甚終  
不能中以危禍師旅之後歲荐饑公痛若切膚極  
力拯戢條困苦狀凡十餘疏

上多下所司施行御史徐僊薦公積心措慮以安地方  
視王守仁擒濠之功不在其下識者韙之辛巳擢  
陝西副使提督學校關中士習趨詭異乃新正學  
書院選士群肄之刻奇靡而約諸理士習丕變有  
精鑒善別秀艾拔自寒畯童往往為名臣元山  
席文襄素知公及位宗伯與輔臣異同公因鄉試  
發策論朋黨以諷元山知為公策歎服從之嘉靖  
丙戌進山西憲使屹風裁重至迎解驛置作徒數  
百人歲暮餓夜噪而逋有司議越獄罪公曰此饑

寒迫之昏靡豈狂囚比耶乃答倡首數人餘悉縱歸令自齎牒投所由郡縣輸顧直以免衆感泣輸無後期民有仇仇其弟者誣以刼商布連逮十人獄既具公疑賊有婦衣委曲辯析得其情遂佯執其兄妻給之曰汝夫與叔同盜安得獨生妻懼訴曰此衣非從盜得妾所常衣也衣之適稱婦體召其隣驗實誣遂曰丁亥入為太僕卿尋擢食都御史總漕兼撫廬鳳諸郡漕政年久弊滋公酌宜脩治擇可經久者條議不憑臆見徐沛新河之

役調山東河南丁夫五萬供餽取給二百里外踰  
二時弗績夫多疫死

廷議下公公曰濬舊河南增築其堤自可通漕較之  
新工難易百倍卒如公議江北薦災田土蕪曠公  
頌誠儆長吏擇耗亂不職者黜罷之驛傳類冒破  
隱佔為奸公立簿要勾稽由日計月由月計季令  
季終造報省費約三之一潁河州縣苦夫役奏省  
進奉快船及入貢夷若使馳驛者供索並從節縮  
民計丁養官馬倒失不常積逋至四千餘疋吏急

之不能得又歲俵太僕寺備用馬土產不勝任奸  
販倍取直別市充額公奏乞暫停官馬候豐年買  
補而輸太僕者折徵民以少紓泗州饑闔境流移  
公奏留漕米數千石賑之賴全活者以數十萬計  
其他如壽州正陽關歲凶榷商處米備賑通泰二  
州乏軍糧徵餘丁無田子粒漕卒終歲飛輓又有  
軍辦廠辦舡料之徵竝䟽停黃嘗奉

勅慮囚有枉抑者十人以輕罪繫者二千六百有奇俱  
祇

德意辯釋開府二年威化大行及召為副都御史淮人  
爭繪像祠焉未幾擢吏部右侍郎尋補左叀攝太  
宰事值

內殿災諸司例自陳

旨多慰留獨鴻臚太常嘗撼於執政者數人下部欲黜  
之公曰變果不虛則我公卿當大政者尹其辜彼  
何與焉乃益自陳謝力為諸臣解得不罷朝臣有  
坐論執政屏斥者數十人悉推叙不輒避開國元  
勳劉基常遇春李文忠鄧愈湯和皆失爵百餘年

一旦竝奏復之多公之力壬辰關中饑

詔發帑金以賑又虜酋吉囊擁衆數寇邊

上知公可屬大事拜兵部尚書兼右都御史總制三邊  
軍務兼理賑濟公馳入關躬歷村落審戶丁差等  
頒恤奏訓平糴蠲官逋寬私債節用度停勾攝撫  
迹移恤老羸收遺棄散糜粥給醫藥禁閉糶卅餘  
事民得不死者二十餘萬人已乃簡戎伍飭器械  
明賞罰一時名將如梁震王効劉文俱拔自麾下  
推誠置腹咸樂為用公謂諸鎮曰虜徂中國兵不

出塞故敢陸梁夫先人有奪人之心兵法也以師  
三萬耀武陰山虜大驚北徙六百里癸巳秋虜犯  
鎮遠公督震効擊之斬首四百級甲午春虜犯延  
綏時震方援大同公趣震還而檄叅將任傑以兵  
迭虜後合擊俘獲五十餘人其夏虜潛營嚮水公  
檄嚴兵以俟及俘至邀擊之復斬首七十餘級秋  
吉囊自將十萬衆犯安會公下令分布要地使文  
迎敵而伏兵其傍比戰伏兵起乘之虜大敗遁歸  
至興武効邀擊敗之至乾溝震追擊又敗之凡三



捷斬首四百五十有奇奪夷器無算兵部上公功  
曰昔都御史王越擒虜四百餘

賜封威寧伯尚書王憲斬虜三百加太子太保官其子  
錦衣百戶今臣龍功殆過之宜加優典竟為執政  
忌者所抑公在四鎮熟地形險阨如指掌故聞警  
坐籌動必有功丙申召為刑部尚書初大同卒叛  
都御史劉源清帥師討之將盡殲其黨卒懼為飛  
語中之徵下獄公言大同凡二亂輒戡其師不一  
正法無以令天下今務姑息餌叛卒罪制臣邊人

益得窺

朝指矣源清於是得殲論外戚張延齡以罪繫獄人劉  
東山與其徒乘時為奸利至搆間

兩官株連貴近吏坐獄不窮竟去者數十人公按得其  
妄竟抵東山于法

九廟成公條大禮大獄諸臣名以請得赦歸者二十  
餘人勲臣姻國怙勢欲奪諸司之柄條政務其四  
事下刑部公駁悉其妄及

朝審偕勲使欲附比出涿豪李昭重碑公曰殺人死必

如律京尹劉淑相許執政陰事執政欲寘之死公  
曰殺人以媚人吾耻之淑相止坐落職由是崔貴  
多不愧戊戌夏以母鄭夫人年八十歲乞終養

上賜給驛歸朝野榮之公既去臺諫僉謂公當及時而  
用章三十餘上甲辰秋

上亦念公起為南京刑部尚書以母辭不允改南京吏  
部未行會有邊警改兵部尚書趣令速赴任鄭夫  
人諭公曰此所謂金革之事義不容辭王勉偕汝  
行乙巳春公奉夫人入都公故習邊事以制敵在

任將頃來文法少寬故諸宿將往往逮繫或以註  
誤閑棄摧落且盡乞

宥諸在繫者立功以贖廢錮者量其才用之士咸思奮  
往年防秋不能豫備虜去來若風雨我收保恒後  
時故多亡失檄諸邊脩城堡遠斥堠虜至持滿待  
之其秋虜果不能入代叛卒歲誘虜入寇公知有  
內應密檄宣大二鎮緝奸俄大同王子克灼者八  
人齎捧表文符印旗牌令健卒約虜邊臣緝獲檻  
送至京伏法一時服公遠筭太廟成加太子太保

冬十一月大宰缺輿論屬公既受

命益感奮以抑僥倖培氣節為任銓叙善論資望初擇  
年深幽滯者叙遷餘以次及非殊勞異能者不得  
越次其有所用舍聚僚屬共謀之衆謔合然後署  
疏以請臺諫建白舉廢棄公疏上四十人皆時譽  
也雖不果用正論為伸丙午夏四月公病足又數  
與執政議不合公曰吾生平鯁特今耄且病復能  
翫法徇人耶於是三上章求去言激切

上責以稱老忘國奪其官以歸輿出都門二十里卒于

金坡堂集卷之十二  
旅舍享年七十後庚戌公次子汝楫舉進士第一  
人授翰林脩撰又二年具疏述公前疾及道卒之  
狀以明不欺

旨下吏部尚書萬公鏜覆公臨老乞休遂爾殞絕心迹  
委足自明復叙公歷官有聲稱而軍功尤著

詔復公原職後禮部尚書歐陽公德疏公學有師承勲  
著邊圉

詔諭祭塋贈少保謚文襄議者謂公無媿云公天性至  
孝事雙嶼公甚謹居喪庭羸幾殆友諸弟無間言

其季卓世割田分資撫其遺孤捐俸脩先祠振貧  
乏視非義之財如避不潔鄉人有敦行義者勸以  
禮貌或為文表之歷官所至先風化為不朽業接  
人坦夷披肝膽至臨大事決大疑神采英毅屹不  
可回尤好獎拔後進或父有宿怨而其子有善則  
喜引惟恐弗及學綜群籍洞窺性命奧旨構思屬  
辭謹嚴典重有左氏先秦之風詩宗盛唐馳騁大  
層以上其隨事建白切事幾類陸宣公世多重之  
所著易經大旨若干卷漁石集若干卷雲南江西

督府總督奏議若干卷行於世

論曰予少時聞父兄論宸濠平後禁兵在境為患  
無功罪未明瘡痍未瘳微唐公則民無寧宇矣已  
切心識恨無從為之撫衣及侍公銓見閔員缺非  
善地停筆不忍注欄貧士掠食候選惕然若有所  
傷至於華焰灼烈若罔聞焉又何其毅也語有之  
仁者必有勇則公之馭歷中外三十餘年於震撼  
百折而雄挺不撓者非忠愛激發不能自己耶其  
聲業施于天下福澤徵於後人亦可以信天道矣



少師許文簡傳

許文簡公諱讚字廷美別號松臯河南靈寶人父  
諱進仕至吏部尚書謚襄毅生八子長曰詔鄉貢  
士次誥太子太保南京戶部尚書謚莊敏次卽公  
也次記次詩工部主事次詞盤運使次誌青城尹  
次論太子太保兵部尚書公生奇穎絕人十歲通  
戴氏經力學強記不煩程督弘治乙卯年方二十  
三歲舉河南鄉試第五明年成進士補大名府推  
官廉介挺特獄多平反有惡少夜殺人取其首去

遺其刀於途比曉劉姓者負新售諸市拾遺刀置  
新中邏者見刀有血執以告不勝拷掠遂誣服公  
獨疑之曰豈有手刃人而不秘其形跡者乎乃遍  
榜城市曰劉某殺人已服罪矣有能得死首者徵  
重賞未幾一人於枯柳樹中得死首以獻公曰殺  
人者汝也其人色變卽吐因爭姦謀殺之負新者  
獲釋方士以妖言誣仇家詞連開州民李志旁引  
十餘人公曰志且冤矣又濫及其他乎執弗捕方  
士竟坐誣死父家口貿易區也貧民資之為生有

豪右植屋數百楹以專其利計逐貧民公力陳監  
司撤之民得不徙公暇聚秀艾親為構校以是科  
自倍前時壬戌徵拜陝西道監察御史尋以疾歸  
正德丙寅復蒞道戊辰襄毅公為大宰以例改翰  
林院編脩值閣豎劉瑾竊柄銜襄毅不已附矯詔  
罷其職調蒞敏判全州公亦調尹臨淄尋丁襄毅  
憂庚午瑾誅起復陞浙江僉事孝豐寇湯九燭衆  
犯邑城公以計擒元兇反側底定戊寅陞副使巡  
視海道會江右宸濠反兩浙戒嚴公募丁壯扼險

要待之民恃無恐未幾改山西提學校士必面授  
題意以驗其所蘊試畢進諸生於庭下論

朝廷所以作養求才及士子讀書明理致用之要於大  
倫有玷者文雖高等黜之不惜凡有請託必明言  
責之曰父兄教子弟須期遠大事業今為子弟請  
託何以望其成人三晉士習為之一變辛巳陞四  
川叅政酉陽土酋構兵累歲不能平公往出數語  
折之二酋匍匐歛服嘉靖癸未陞四川按察使憫  
重囚淹繫相枕剖析以情脫死籍凡數十人爭繪

像以祀有王親兵馬某姓者豪橫害人竟真之於  
法甲申陞浙江右布政使尋轉左浙賦繁事冗吏  
胥善爲奸市公摘其尤者四十餘人黜革發成有  
差一應織造顏料悉發銀府縣擇大戶給領限完  
不由本司其府縣申報文移註爲號數循序散給  
於是杭人有許不鮮担之謠丁亥召爲光祿卿瀕  
行以羨銀三千兩付汪公鉉汪私嘆不已至比之  
於楊公四知未幾陞刑部右侍郎尋爲左訓司屬  
詳條例於說堂時有未合者輒指駁其事時勲貴

金史卷一百一十一  
郭勛恃權擅勢邊官取克戍人犯下法司議尚書  
高公安機被科劾致仕勅公署印會同三法司再  
訊檢奏金輅孫鐸聞

旨不許用刑逼認黨勛肆無忌公上疏曰明法所以重  
王章由天討也今

聖明在上奸猾乃敢欺玩如此不惟臣等無顏亦於  
國體有損乞

皇上垂鑒容臣等照常用刑平心追究

上特允之獄乃減褫勛祿米三之一并追其贓餘論如

律尋以公代尚書任適刁狡風熾數起大獄如總  
旗相虎等奏太監張永弟指揮張容交結輔臣遂  
輦楊公潛通賄賂軍人李福奏太監崔文姪都司  
崔昂騁騙商價大壞鹽法舍餘羅佑奏張祿交通  
內臣陳德範果周用等混賴沒官財物及訪獲勦  
衛徐光祀威力制人生負張紳冒薦大臣監生錢  
瀚妄議朝政公悉據法讞之不少徇錦衣指揮施  
恭與弟敬憐太監韋霽勢擅籍富商袁英家貲且  
掘其墳墓與詣

闕訴冤父弗伸尋累死止遺妻張氏再訴常邊有  
關節公厲言責之按論施恭等如例發遣棍徒童原  
李糾挾詐張皇親不遂奏張挖斷萬壽山龍脉諸  
違法事及奏內閣并即署官負數十人皆受張賊  
計數萬公辯哲其賊諸臣賴焉庚寅改戶部會諸  
省類報灾傷八奏議救荒便宜因條鹽法在減價  
革勸罰量地免搭配以寬報邊之商餘鹽不過正  
數下商免其附帶以制餘鹽之濫其屯田之壞由  
武備廢弛以致夷虜蹂踐坐視拋荒甚或冊籍混



淆勢要侵占乞責成巡撫整頓及論內府供億海  
戶冒濫宗室祿米十餘事俱報可御史郭弘化疏  
請止採珠公具覆以憂天變憫民窮廣

聖心乞

俯從其請太監奏各馬房香火地土不敷供支乞照舊  
增添四十頃公指摘循襲積弊請

責戒飭竟未增一畝時建言者題准有司積穀以多寡  
定賢否公論積穀者卽預備倉之事不宜於預備  
倉外又立積穀之名若不問有無罪犯以科罰足

數為賢是利民未得先以滋病乞行有司將見在  
贓罰引錢稅課無礙銀兩糴穀備賑母一切為侵  
漁計

上嘉納焉壬辰以二品一考廕子俱為國子生甲午莊  
敏卒母高太夫人邁危疾公乞終養弗許特令馳  
驛歸省尋丁太夫人憂是歲太宰缺

上屬公特虛以待丙申

詔改吏部尚書侯終制供職盖異恩也服闋公始至視  
事丁酉二品兩考加太子太保己亥加少保

車駕巡狩奉天公遽從尋以推恩進柱國贈三代公  
入部以來念葉毅公掌銓持正不撓稱名吏部深  
自謂曰予敢遂塵紛隆先烈耶秉公劑才授任杜  
請託抑僥倖雖要人有所軒輊不輒沮却舉入盧  
經訐知府孫存張一厚詞連部院撫巡

上震怒行巡按械繫下部院議公執奏差官就彼會勘  
以免人難

上允行之

東宮應設官僚四十餘員有求進者公毅然拒之曰

金史卷一百一十九  
輔導東宮須端人正士今一講之卽是奔競何以  
充選集衆議僉同乃擬數人推上以是輔臣銜甚  
會辛丑九廟灾公上疏曰古灾異策免大臣今廟  
灾策免宜自臣始遂擬旨免公

上曲允致仕意實重公不逾歲復召還公感

上知遇益奮竭因疏銓曹積弊十餘條及防虜四事咸  
切機宜壬寅銜公者以灾異免公侃侃引素以用  
人曷治爲已任

上懲邊患未寧責在巡撫大臣專恣罪在信信各令公

考察公叅稽輿論擇巡撫脂韋毘法及苞苴自私者擬斥十餘人其科道素乖風紀并建國無聞冗牘可厭者擬黜調二十餘人一時士氣復振尤念人才當愛惜有孤特自立為人擠棄及言事傷激遭擯者前後薦起十餘人善容人過釋私怨或以言犯公如南科給事中曾鈞等以其資深敢言不次叙陞其甄別流品南北各定所宜除目一下人稱平方面以上或以儀通問舉人監生謁選或由私徑營美缺必當衆發其私竟抑壓示懲每大

計吏治雖憑考語猶跡行履若官常素守為上官  
所刺必留之存心險詐干清議雖考無貶詞不曲  
貸甲辰春考察外官有一二巧宦竊虛稱公欲黜  
之都院不從公指而言曰今為公等留此人異日  
害人誤國陷善類雖悔無及後果如公言尋以一  
品再考進兼太子太傅

上歷試公知可大用

勅兼文淵閣大學士典機務與少師分宜嚴公同心翊  
贊思欽太平紀

太廟完進少傅歲冬銜公者復起柄政意欲攝轂公及  
公公嘗以盈滿為懼至是去志益決連疏乞休忤  
旨令閑住歸至淇縣患足疾家居幾二載歲時及萬壽  
節輒令人扶掖北拜且祝戊申七月疾亟呼諸子  
弟曰吾父子兄弟世受

國恩列上卿無可盡報今已矣爾曹毋作愚忝先人  
且無厚塋以重吾過遂卒壽七十有六訃聞贈少  
師謚文簡公性醇厚與物無忤及當大事決大疑  
卓有定識屹不可奪在位讀廷試卷者四

郊廟祭告山陵從幸妃嬪冊立數受

錫賚寵數出諸臣上而抑抑謹畏不失尺寸子與祗嚴  
訓閉門息囂無敢以私入僕從穿兩截布衣如農  
家狀故士夫羨公家法不釋巾掌吏部踰八年用  
人不憑臆決每遇起復考滿入覲官見各令薦舉  
所知其薦同者注錄於心不拘疏迭輒挂用之初  
聖駕南狩選科道禮以推官起復待銓元宰皆薦禮年  
資可與公然之此期禮不赴考尋求補原官選司  
以告公曰可以風奔競者矣宜戒之即補寧國府



推不半載首與行取以憂歸公嘆曰天何不玉成  
此子耶後吏部主事有缺例用江西人公需遲四  
五月候禮起復謁堂之日卽擬補每見輒以遠到  
挹獎真心懇切溢於言表以禮之慙耻寡援而勞  
公注念若此則公之以人事上於此亦可以槩其  
萬一云平素寡欲少疾於古稀之年猶燈下作細  
楷政暇閱經史典籍至老無倦所著有松臯集諸  
史私論五經題義臆言諸曹奏議凡若干卷

論曰

國朝父子秉鈞衡惟河南許氏大宰襄毅公雄挺忠  
亮音猶愈礪聲績著中外載在國史天垂繫社於  
嗣人使司徒司馬先後拔起而文簡公由大宰位  
鼎鉉持衡如冰使天下陰被其澤以培丕丕之基  
是何其敷英匱秀若是其愛異耶宋人稱河南呂  
氏其世相業俱為名德故雲仍聯統與宋終如今  
文簡光紹襄毅名德格天其奕世彌昌豈後呂氏  
也哉

陽明先生傳

先生姓王名守仁字伯安浙江餘姚人南京吏部尚書海日公華之子也少穎異有逸氣年十七至江西成婚于外舅諸養和官舍因謁婁一齊知聖學宗旨由此毅然有學聖志弘治壬子中浙江鄉試已未登進士

欽差督造威寧伯王越墳役夫以什伍之法馭之暇卽演八陣圖識者知其有遠略嘗夢威寧授以寶劍及竣事其家出軍中佩劍贈之適符其夢時有慧星及靼虜猖獗上䟽論時政極剴切明年授刑部

主事差往淮甸審囚多所平反復命回部日事案牘夜必誦五經及先秦兩漢書文益工尋移病歸越卽陽明洞關書屋究仙經秘奧甲子聘考山東鄉試因出復授武庫司主事正德改元逆瑾竊柄差官校至南京繫給事中戴銑等下獄上䟽乞宥之瑾怒矯詔廷杖五十斃而復甦謫貴州龍場驛丞行至錢塘度或不免乃托為投江潛入武夷山中決意遠遯學道遇異人戒之深然其言遂赴龍場始至菱叢棘間夷俗崇蠱毒先生卜不協於是

日親狎以所居陰濕不可久相與伐木為驛樓及  
屋乃扁為何陋軒君子亭賓陽堂玩易窩以居之  
時瑾毒未已先生於生死一念尚不能遣乃為石  
槨自誓曰吾今惟俟命有死而已他復何計日夜  
默坐求諸靜一忽一夕大悟終夜不寐嗣後以所  
記憶五經之言證之一一相契因著五經臆說時  
席公書官貴陽稱聖學復睹從游者衆庚午陞知  
廬陵乃稽制選里正三老委以詞訟坐視其成因  
固清靜是冬入覲陞南京刑部主事與甘泉湛公

若水等訂共學之盟家宰楊公一清慕之改吏部

驗封主事歷文選員外郎進考功郎中而學益不

懈癸酉陞南京太僕寺少卿值留垆多暇專以良

知之青訓後學隨方而答必暢本原恒語諸生曰

不患外面言謗惟患諸生以身謗拳拳以孝弟禮

讓為貴即閭閻小豎咸歆豔響慕思有所表則欲

殊於俗滁水之上洋洋如也又因寺址距滁城二

里崔蒞敵壘令軍民於馬場隙地自置房居住設

總小甲聯之論丁巡警及流賊蜩起復卽滁城泥

寺改爲寺倉建官廳一所而壁畫所遺莫非遠慮  
甲戌改南鴻臚聞迎佛骨欲納約自牖勸爲聖學  
不果上丙子南贛多事以薦陞左僉都御史撫鎮  
適龍南賊糾龍川利頭諸賊酋分隊以進勢甚熾  
乃檄乘險設伏厚集以待各鄉村徑路多張疑兵  
使進無所獲退無所攜又知在官諸役人與賊通  
每令陰陽擇日或卜已吉而不用或令厲兵蓐食  
待發兵竟不出賊各依險自固乃潛帥官兵從徑  
道搗之斬俘無算餘黨奔象湖山拒守卽佯言犒

軍侯秋再舉使賊弛備乘廣東左轄邵賁之任例  
發兵護送選精兵當先潛以重兵繼後期還日度  
夜半三路直奪隘口所發奇兵復從間道突登斬  
俘又無算尋分兵攻破可塘洞長富村等巢穴三  
十餘處并直搗古林柘林白土村赤石岩大重坑  
苦宅溪洋竹洞三角湖等巢俱平嘗疏申明賞罰  
因請便宜行事不報會廣東利頭等處劇賊池大  
鬚等與桂陽昌樂等賊相聯剽攷三省該兵備等  
官請調狼兵夾勦先生上疏論狼兵不減於盜轉



輸重困於民請給旗牌期於成功又請設清平縣  
治及疏通鹽法以足兵食仍密授方畧擒賊陳曰  
能等搗其巢穴斬獲無算後疏三省交割方畧兵  
書王公瓊奏改提督南贛汀漳等處軍務及前請  
旗牌便宜行事俱報可值汀州左溪賊藍天鳳與  
贛南上新穩下等洞賊酋雷鳴聽等相結盤據千  
里難拔乃議橫水左溪諸巢為賊腹心桶岡諸巢  
為之羽翼今不先去橫水左溪腹心之患而欲與  
湖廣夾攻桶岡腹背受敵勢必不利乃帥兵由各

道出其不意直搗橫水未至賊三十里止舍使人  
伐木立柵開塹立候示以久屯之形復分帥鄉兵  
善登山者四百人各與一旗齎銃砲鉤鍊由間道  
攀崖而上分列遠近極高山頂以覘賊張立旗幟  
焚茅為數千竈度我兵至險則舉砲燃火相應比  
黎明兵進至十八面隘賊驟聞之棄險四奔又預  
帥壯士數千緣崖上奪賊險盡發其衣木礪石我  
兵乘勝乘焚賊巢遂進攻左溪擒斬又無算尋乘  
勝進攻桐岡乃先使人諭以禍福拜縱所獲賊鍾景

純入賊營期翌日早於鎖匙龍受降陰使知府伍  
文定等乘夜各至分地據險四攻賊敗走桶岡諸  
巢悉平旣乃以其地請建縣治控制三省諸徭兩  
月之間驅卒不過萬餘用費不滿三萬俘斬六千  
有奇破巢八十有四池大鬚等聞之懼遣弟仲安  
等投降意在緩其為戰守計乃賜許之使人至賊  
所勞各酋以察其變而陰圖之及還贛張樂享將  
士下令散兵歸農示不復用大鬚乃率麾下四十  
人詣贛先生使人探大鬚已就道密檄屬縣勒兵

分哨候發又令屬官設羊酒日犒大鬚等以緩其  
歸會正且拜節復設犒於庭先伏甲士引大鬚入  
并其黨悉擒之出廬珂等告狀訊鞫皆伏罪夜督  
發屬縣兵期初七日同時入巢諸哨兵皆徑道入  
先生自率兵直搗下剝頭巢進攻九連山於是選  
精銳七百餘人皆衣所得賊衣若奔潰者乘暮衝  
賊所據崖下澗道而過賊以為各巢敗黨從崖下  
招呼我兵亦佯應賊不敢擊已度險遂扼斷其後  
路從上下擊賊不能支先生度其必潰預令各哨

四路設伏以待賊果潛趨督邀擊之前後擒俘又  
無筭餘黨從惡未久勢窮投招乃遣字驗實量加  
責治籍其名數悉安插於白沙遂相視險易立縣  
設隘留兵防守而歸贛人家肖像歲時祭禱始上  
疏乞休不允又以龍川諸處接連聞廣據而守之  
足控諸賊遂請建和平縣治以扼其要害又以賊  
酋龔福全等攻掠郡縣命三省將官合剿捷報陞  
右副都御史蔭子一人錦衣衛世襲百戶隨因奏  
平廣賊加陞本衛副千戶先生在贛雖軍旅擾擾

而講學不廢顧人初與賊通乃立保甲十家牌法  
及鄉約教之禮讓又親書教誡四章使之家喻戶  
曉而顧俗丕變時宸濠謀不軌令舉人劉養正說  
從學先生曰殿下能舍去王爵否旣而使門人冀  
元亨與濠講學以察其微元亨至語矛盾濠遣還  
密使人殺之不果於是先生以六月九日往福建  
勘事至豐城界知縣顧似具言濠反狀時正夏南  
風方盛欲南至吉安則風逆聞濠亦發千餘人來  
迎殆密禱舟中誓死圖報國無何北風大作舟人

不肯行乃截其耳遂發舟薄暮覓小漁舫微服作  
緯夫下舡急去留麾下人服冠服在舟中既濠  
兵犯舟追不及及行至中途恐其速出為間諜假  
奉

朝廷密旨先知寧府將反行令兩廣湖襄都御史楊  
旦秦金及兩京兵部各奉密旨命將出師暗伏要  
害地方以俟寧府兵至襲殺復取優人數輩與數  
百金以全其家令其至伏兵之所飛報竊發日期  
將公文縫置袷衣絮中將發間又捕偽太師李士

實家屬至舟尾令其覘知卽怒令牽之上岸處斬  
已故縱之令其奔報濠獲優人於衿衣絮中搜得  
公文遂疑不敢即發及至吉安撫慰軍民兩上疏  
報宸濠謀反殺都御史孫燧副使許逵等狀請

命將征討以解東南倒懸仍督知府伍文定等調集義  
勇會計軍需造作器械戰舡又密使劉養正家屬  
及平日與濠往來鄉宦陰致附意以緩其出調度  
也定乃檄遠近暴濠罪惡於是濠覺爲先生所欺  
引兵而出聲言取南京留萬餘屬腹心宗室守江



西省城先生探知其出樞密府兵分進克復省城以奪其巢穴仍撫定居民釋散其脅從遂分兵四路躡濠後時濠攻安慶未下聞克江西遂解圍田援先是兵至豐城衆議安慶被圍宜引兵趨安慶先生以九江南康皆為賊據而省城精悍亦且萬餘食貨充積我兵若抵安慶賊必回軍死鬪南昌之兵絕我糧道九江南康之賊合勢撓躡而四方之援又不可望事難圖矣今我師驟集并力破南昌失其本根勢必歸救則安慶之圍可解濠可以

坐擒既而果如其揣及議所以禦之之策衆謂宜  
歛兵入城以待援至先生獨謂宜先出銳卒乘其  
惰歸要迎撓擊衆將不戰自潰所謂攻瑕則堅者  
瑕矣未幾濠先使精悍從間道欲攻取省城與我  
兵遇戰失利先生怒甚取伍文定等首以軍法從  
事衆懇免俟圖後效明日力戰破之又四面張疑  
設伏并往來湖上以誘賊兵從後橫擊貫中遂乘  
勢大破之奔走十餘里翌日賊并力挑戰我兵少  
却先生急令斬取先却者頭督兵並進砲及濠舟

賊退保樵舍聯舟為方陣盡出金銀募死士乃以  
火攻之火及濠副舟遂執濠并逆黨復分路剿餘  
賊毋令逸入他境為患凡浮逆黨止及本身族屬  
多原之衆服其仁至義盡得聖賢之道云初濠以  
賄結

朝廷左右自輔臣以下皆有交賄實跡記于籍先生  
得於其宮中悉焚之其掩惡安人如此及孫公燧  
許公逵被濠害棄其屍首乃具衣槨棺槨歛之又  
奏保其忠節皆獲卹典既擒執逆濠等欲令人獻

俘慮餘黨竊發欲親解赴

闕因廷差安邊伯許泰平虜伯江彬右都督劉暉太監  
張忠張永魏彬體勘濠等反逆事情往江西征討  
至中途聞濠已擒計欲奪功密請

武宗親征在廷大臣皆不諫臣僚皆力諫不聽有被杖  
而死者旣江彬等先領兵入城中誣先生始同濠  
反因見天兵猝臨始擒濠脫罪欲并擒先生各為  
已功先生托疾不出為餉以銀犒京邊官軍以慰  
勞之有疾者為之醫藥死者為之棺殮又親自行

撫衆心皆悅及度其無可為出見彬輩彼各諭以武宗親征之意欲將濠置城中待

駕至列陣重擒之以為功先生語之曰逆黨潛伏尚多萬一踈虞事勢不可救矣卽將濠交付彬輩辭不受欲見

武宗又行牌止之遂托疾不出張永暮夜來訪語衆人欲功之意先生備告之永始私與衆語其忠以陰懈其謀彬等訪原宥如婁氏家屬殺之以為功又逮捕冀元亨誣以同反遂引兵至南京候

駕先生具疏止親征將濠等督解赴

闕至浙江知彬輩又至武林卽請浙江三司面交付彼  
轉解彬等欲誣先生并為已功賴未備言其忠於  
上誣不行仍命督兵討賊兼巡撫江西地方值兵殘之  
餘人民凋敝官府衙門居民房屋燒毀殆盡為之  
賑恤撫定又奏免百姓租稅及將城中沒官房屋  
皆改為公廨又以濠占奪民間田地山塘房屋遵  
詔書給還原主管業其餘估賣價銀入官先儘撥補南  
新一縣兌軍淮安京庫折銀糧米及

王府祿米餘羨收貯司庫用備緩急遭逢

今上登極召陞南京兵部尚書叅贊機務尋封新建伯  
襲前職累疏乞普恩報效諸臣嘉靖改元丁父憂  
服闋例起復當路忌之六載不召六年廣西思恩  
田州二府土官岑猛構亂不得已起總制軍務同  
都御史姚鏌勘處彼中事情上疏舉尚書胡世寧  
李承勛自代不久又令鏌致仕督趨任沿途訪士  
民皆云岑猛父子固可誅然由諸人不能推誠撫  
綏以致之建議進兵行剿之患十罷兵行撫之善

十與夫二幸四毀之弊至南寧下令撤調戍兵湖  
兵數千道阻且遠不易卽歸仍分留南寧賓州解  
甲待發思恩府土目盧蘇王受等聞防兵盡撤遣  
頭目黃富等投生卽諭以朝廷威信及開示生路  
蘇受等囚首自縛赴軍門先生下蘇受各令杖一  
百衆合詞請命乃解其縛諭以今日宥爾一死者  
是

朝廷好生之仁杖爾一百者乃我等人臣執法之義  
於是衆皆叩首隨撫定餘衆莫不死誓乞殺賊立



功贖罪先生復諭以朝廷惟願生全爾等既來投  
生豈忍又驅之兵刃之下宜速歸修復生理待爾  
等家事稍定徐當調發衆又感泣歡呼遂委布政  
林富等分投安插督令各歸服業旣而上疏處置  
平復地方以圖久安仍立土官以順其情分土目  
以散其黨設流官以制其勢循以窮山僻壤或有  
隱情備歷田州思恩之境按行其村落因以所處  
之道詢諸其長目并父老子弟皆以爲善然後請  
田州仍立岑氏後爲土官知州以順夷情特設流

官知府以制夷勢分設土官巡檢以散夷黨又以  
田州旣設流官宜更其府名爲田寧蓋取田石傾  
田州兵田石平田州寧之謠至於思恩則岑濬之  
後已絕不必復設土官又按視斷藤峽諸處徭賊  
盤亘三百餘里流劫郡縣鄉村累奏屢征不服乃  
檄官兵掩其不備四面攻圍大破賊寨乘勝復攻  
破油磑石壁大俘殆盡先生隨以公寨之城據其  
要害欲移設衛所以控制諸蠻復以三里設縣迭  
相引帶親臨相親思恩府基景定衛縣規制蓋南

丹衛舊僻在廣西極邊之地於是移築於周安堡  
以阻扼其衝則柳慶之賊不必征剿皆得服化思  
恩舊治在寨城山內乃移出荒田四野寬衍之處  
開圖立里用漢法以治之復移鳳化縣治於虞鄉  
爲立解宇屬之思恩又於宣化思龍地方添設流  
官縣治拜壇築守鎮城堡於五屯以壯威設險仍  
選取協守諸兵及附近土寨目兵擇委智勇官一  
員重任專責之使之訓練撫摩又令叅將兵備等  
官不時親至其地經理振作賊勢自摧及將思田

分設九土巡檢司各立土目衆所信服者管之鄧  
請定奪降

勅差行人馮恩褒賚之先是十五歲時夢中嘗得句云  
卷甲歸來馬伏波早年兵法鬚毛皤莫知其情至  
是舟至烏蠻灘舟人指曰此伏波廟前灘也乃呀  
然登廟禮拜如夢中詩且嘆人生行止不偶具疏  
乞骸骨至南康縣屬纊而逝享年五十有七所過  
江西地方無不撫棺慟哭而去及訃聞于朝忌者  
媒詆遂削世襲伯爵并常行卹典贈諡皆不逮空

今人以爲恨先生天資絕倫讀書過自戒誦少喜  
俠長工詞章壯好仙釋中年體驗聖學悟從天啓  
遂屹然以斯道爲己任所在提挈良知訓迪後學  
惟恐弗及以所得發爲言詞不沿襲舊聞取自心  
匠動可爲經及戡定禍亂運籌制勝人莫能測其  
機而成功弗居潛折羣邪不能肆叨加害皆由養  
盛自致非隨世就功名者所能窺其萬一大宗伯  
歐陽文莊公稱其道本自得篤實輝光故其建功  
業作俊乂化奸頑洽黎甿者真誠惻怛不顯而彰

金史卷之二十二  
四三  
人以為觀其深云平生著述甚富如傳習錄及文  
錄今盛行於世

論曰自伊洛關閩響絕天下沉溺於俗學久矣天  
賦先生以剛明之資足以任重又磨礱於顛沛之  
餘使之潛心靜一灼然有悟夫良知之本體不假  
外求而推以覺人如照皎明於中霄是以斯道之  
任寄之不徒效用清時而已世徒見先生文章節  
義功業震赫一時以為難及不知道利天下不過  
試十一於百千爾詎足以盡其大耶誦遺言而心

醉因將俟百世而不惑者矣

鐔墟堂摘稿卷之十二終